

卷之三

序

一代之興必有伏處

巖穴之士蘊義懷德

匡毗一人其勳業在



密勿建梁之地其食
報在子孫黎民數十
世之遺至其著爲文
章發揮鴻業與禹謨

伊訓相表裏斯人也
百世不一遇者也幸
而有之上未必盡知
知未必盡用用矣保

無有體貌其外而釜
鬻其內英年寵渥而
白頭放廢不能保其
末路者乎君子讀史

至此流連三歎未嘗
不重爲其君憮而又
穆然欲遇其人其形
容不可見惟遺文尚

在則思有以顯之夫
文有遺顯猶才有遺
用幸而遇其遺者又
以其已顯棄之此其

罪何異毀裂父母遺
書栝椽有識者所大
懼也明初得士之盛
莫如金華其君號稱

好道者時則括蒼進
誠意龍門上衍義烏
傷勸修德一時文章
之士輟芳競爽不下

數十然推龍門爲弁
冕蓋先生出黃柳之
門又得許白雲爲私
淑酣哈道奧理約詞

詳故其爲文髣髴廬
陵南豐之間而其學
問醇粹則過之當時
郊廟禮樂律曆衣冠

之制及國史實訓功
臣錫命皆屬撰次從
古載道之言無如先
生富者集初序于鄭

檢討歐陽學士繼序
于雷尚書禮韓令叔
陽流傳及于日本朝
鮮安南板凡三易篇

至一千三百有奇可
謂網羅宏贍百無一
遺矣順治乙未冬予
過吳門孝廉旣庭爲

先生裔孫出文待詔
家藏元板宋集一部
中間多目所未遇者
如撰元明郊廟諸樂

章及伯顏鐵木廉史
諸公墓石敲金戛石
鬱然巨觀豈兵燹之
餘此書散失不則有

所忌諱不敢禦木耶
金華陳公來守太倉
政事精明諸廢厥舉
公與先生同里相晤

時適以此事相詡公
慨然捐俸梓之嗚呼
古之文與道一今之
文與道二自雅頌以

後千餘年來稱能文
章者子長昌黎子瞻
三人耳然子長伸黃
老絀儒術昌黎請封

禪傳毛仙子瞻放達
訕毀河南之學皆未
爲純乎純者先生淹
貫六經灌輸道德其

爲文綵歷萬變絢縵
自然天實鍾之以爲
世瑞惜乎其君用之
不終且以窳死也雖

然公雖歿而文不廢
文不廢則道存道存
公亦存也夫文爲道
則隻字不可棄反是

雖盈篇累牘皆戲論
耳公梓是書知其所
重在此不在彼於其
刻成敢爲序以藏之

昔

康熙甲辰季夏金壇
後學蔣超撰



宋景濂未刻集目錄
頌

皇太子受玉冊頌

皇太子入學頌

國朝名臣頌

西域軍中獲角端頌

天台教宗圓具頌

書

擬荅魏綺絕秦書

五氣大有寶書

記

太乙玄徵記

浦陽善應精舍記

玉壺軒記

釋氏護教編後記

序

送慧日師入下竺靈山教寺受經序

序俞神君靈蹟

碑銘

元叔亞中大夫梧州龍德管張君墓碣銘

麗水二賢母墓碣銘

元叔崇祿大夫陝西等處行中書省平章

政事原_里公神道碑銘

故弟掃湯夫人墓碣銘

魏魏仁守正弘通_江碑_江金君碑代黃信_江碑

元叔朝列大夫同知益州政德管府事

仕趙侯神道碑銘
并序

趙誥中墓志銘

蔣處士墓碣銘

詩塚銘
有序

塔銘

妙果禪師塔銘

佛慧圓明廣照無邊普利大禪師塔銘

表辭

諸暨孝婦楊方石表辭

志

故檢校孔君權厝志

贊

龍眠居士畫十八應真相贊

血書華嚴經贊

觀音大士觀瀑像贊

跋

跋清涼國師所書棲霞碑

跋何道夫所著宣撫鄭公墓銘

跋金剛經後

跋長春子手帖

法華經跋

跋俞先輩所述富春子事實後

雜言

蘿山雜言

書白衢州

秦士錄

宋景濂先生未刻集

後學金沙蔣超虎臣家藏抄本

長山陳國珍楚倚編次校梓

頌

○○皇太子受玉冊頌

至正十五年春三月丁亥朔越八日甲午皇帝命太尉王家奴持節授皇太子玉冊及冕服九旒在廷臣鄰莫不駿奔東朝恭行大禮越翼日乙未復詣大明殿俯伏拜舞舉觴上千萬歲壽

百僚具欣無間小大僉曰我太祖聖武皇帝茂
昭寶訓預建冢嫡嗣服繼統累葉上承靈貺罔
敢或違今我皇帝春秋方殷卽定元良以紹隆
丕構其神謨睿斷與雷霆同其英烈山嶽同其
雄高河海同其幽深求之前古夔然無比嗚呼
盛哉然以萬國至众主器至重豫定則治否則
亂治亂所關不翅一反掌之易布在方策蓋可
見已奈何爲人上者不 之思嗣亂相尋有不
忍言惟我皇帝聖神文武與天同運而不以四

海自私惟皇太子剛果溫文與聖合德而足膺
主鬯之寄明兩作離照耀無窮對越天地之耿
光丕承祖宗之休烈是可以無媿者矣易曰主
器莫若長子記曰一人元良萬國以正其是之
謂乎臣濂遐方賤士躬聞大慶不敢喑無聲歌
謹遵詩人美盛德之義而作頌曰

皇朝御寓圖治靡寧邦本旣建萬國以正仰瞻
紫微中居帝座前星煌煌厥象斯著聖人法天
夙夜弗違爰升上嗣以弼大基春日載陽洊雷

欲詞
以本支圖起
成句

出震龜協筮從降茲大訓乃勅近臣持節而馳
錫以玉冊冕服九旒叶音帝曰休哉神器甚重
繼體之思朕敢不悚汝宜敬事勿懈益恭服滋
寵嘉祇謁太宮勿謂天高徵應甚速勿謂宮深
千里在目若軍若國汝撫汝監流祚無窮朕心
乃安皇儲翼翼拜手稽首臣敢不勗以主鬯貞
百僚萃止冠弁之峨舞蹈不足繼以咏歌四海
之命懸於元冢少陽位隆不震不動何威弗宣
何氣弗清太白斂芒天高日明微臣作頌流播

盛德勒之貞珉垂示千億

○○皇太子入學頌

至正九年某月日皇帝開端本堂命皇太子肄
業其中致聖功也前期一日司經設帝坐于堂
中南面朱几在其南薌俎又在朱几南俎前有
筵復設皇太子位于坐西東面太子太傅位于
坐東西面諭德贊善二人文學一人位在太傅
之東皆西面北上厥明司經以裕皇所御聖典
寘朱几上公卿子從學者分東西序立堂南北

面以中爲上正字一人司經一人對立兩序端
以効不如儀者贊者導皇太子就位立諭德以
下亦如之皇帝遣使者來致命在位者皆北面
立受以次出堂門外望北闕再拜者二復初位
贊者又導皇太子至臚俎南北面立升筵再拜
就筵北跪燔薌于爐者三少退再拜復位立如
初凡拜若跪公卿子咸從司經以聖典還閣几
與俎皆徹皇太子卽位坐諭德以下皆坐公卿
子別設几席于諭德位西皆再拜贊者引齒最

長者一人執贊自門左入卽席跪奠贊于几復
位如初又再拜拜已執筯以升執尊及脯醢者
從詣諭德西東面立注酒于筯卽席跪行一獻
禮從者薦脯醢贊善文學亦如之少退執事者
勺酒授諭德以酢獻者復位如初皆再拜贊者
退司經設授讀位正字一人執策啟皇太子受
經一人詣諭德請授經至位東西相向坐授受
已復位如初惟皇帝丕式先王成憲敷佑四方
旁求俊彥用迪皇太子以學惟敬惟慎如此其

至實萬世無疆之休敢拜手稽首而獻頌曰

於赫皇帝日照月臨颺馳霆轟克威克明國本

既定叶音庭萬方靡弗承乃命宮師乃闢宮學侯

諮侯度侯究侯宅于彼有宮學峨峨龍樓之阿

奕奕其楹佻佻其廷既穆且貞皇帝曰噫莽莽

九圍此實其基其基何居有書有詩羽籥干戈

亦以其時爾尚勗哉母越我彝我心我縻母隳

我維我善我師上窺黃虞百度惟熙皇儲曰都

敢不敬恭以養其蒙以徼其功以達于家邦

叶布

洪切旭日煌煌出自東方鸞車彭彭青旂陽陽珮

玉鏘鏘躋彼新堂載誦載弦或舞以颺帝命罔

敗荒維幅員既長維天命靡常匪德曷臧兢兢

皇皇寤寐弗忘於赫皇帝詒謀寧止皇儲則之

學又烝止百祿盈止庶績凝止庶績凝止萬世

期無已

國朝名臣頌 有序

帝王之興必有不世出之人豪以自赴雲龍風
虎之會易所謂聖人作而萬物覩者是已我皇

元受天明命撫安方夏天戈所指萬方畢從是
故一鼓而諸部服再鼓而夏人納款三鼓而完
顏氏請降四鼓而南宋平東西止日之出入罔
不洽被政教共惟帝臣雖睿謀雄斷動無不勝
亦賴熊羆之士不貳心之臣有以誕宣天威故
功成治定若是之神速也自今觀之陷陣攻城
無戰弗克則有若魯國忠武王之倫面折廷諍
丕贊皇猷則有若耶律文正王之屬斟酌百王
恢弘文教則有若許文正公之流其他智士謀

臣袂接肩摩殆未可以一二數稽之於書在虞
則有四岳九官十二牧以亮天功在商則有六
臣保又有殷禮陟配天在周則有五臣爲輔以
克脩和我有夏以皇朝媿之未足多讓夫以明
良相逢如此之盛治功告成又如此之懿意謂
有以宣著鴻猷勒之琬琰昭示無極建茲百年
而頌聲不作非甚闕典歟漢唐之臣本無足議
陸機呂溫尚濃墨大書爲之頌贊况逢今日昌
熙之運安可默默濂竊不自揆輒取行事著明

熟於耳目者自魯國忠武王而下凡二十二人
人各為頌雖立言不文亦頗謂能美盛德之形
容使讀之者知列聖之勤勞諸臣之忠盡王業
之成匪一朝夕其於治道似不為無所助也第
以金匱石室之藏遠在天上非遐方陋儒所
得窺故其所頌止此而已非敢有所略也

下同

魯國忠武王木華黎

阿難之河白氣如虹王生其中虎首虬須為天
下雄光輔帝極憲天惟聰如鷹之揚如颺之發

如雲之從右執大斧左彘形弓鐵壘層層一劈
而崩適駿有聲諸部用平相彼完顏逞于淫凶
我伐用張旗鼓有容僵屍百餘里濟河為紅太
行以南歛手就降叶音紅帝錄其錫苜土之封丹
書鐵券與國始終傳世于無窮

淮忠武王伯顏

淮王桓桓凝峻寡言一言之間如雷破山及履
上台四國爾瞻誓師南征大亂汝戡三軍飛渡
目無江南前扼其吭宋膽自寒老梟既夜遁直

擣臨安俘厥君臣大敷帝位皞皞熙熙市肆不
移宋鼎已易而民弗知崇德報功王謙讓弗居
此天子德威臣何能爲古有曹彬於王見之

楚國武定公阿里海涯

於維楚公旣勇且武手挺白刃能吞猛虎建謀
於廷謂宋疆可平王師出征公實在行陷陣攻
城風馳霆轟一駕而襄鄂下再駕而吳楚寧山
獠洞貓被毳荷氊亦歸王明士出其門咸爲國
楨能黼黻皇靈嗚呼楚公蓋世之雄

廣平貞憲王王昔

倬彼武忠驅焱駕雲來奔真龍無謨不宣無戰
不從有孫烈烈勁氣直節雷霆之下孰不殞滅
王不震不懾宗藩攝難變生肘腋帝命出師三
戰三捷鶴馭上賓衆言沸騰王靜以鎮之神器
弗傾玉帶寶衣用旌爾能社稷之臣繫王之倫

河南武定王阿朮

河南之先世有大勛列陣蟾河強部褫魂三炬
夜藝回鶻乃奔乃蹴汴京以洗妖氛西南夷不

庭卽勒銳兵以討以征金鼓震天躍入其城縛
段智興及生河南沉幾有智挺英毅之氣瞋目
一叱萬人皆廢顧彼江南一彈丸之地恭行天
誅羽書日馳卒獻馘京師九土茫茫來享來王
開元祚于無疆

洪陽忠武王月赤察兒

將一氣之傳有如洪陽不負其先威容

言言望之如神親宿衛帝宸白斥大姦

拔去禍根金山之陰蟻附蠶屯王鞠其軍以綏

遠人以鎮北門以靖大藩寵賚加厚鑄印如斗
大有烈光千載弗亡

勾容武毅王土土哈

西北絕域有山峨峨襟帶二河其人鷙猛如
負戈况我勾容人中之傑來輔真元孰得而遏
從大軍北伐應變如神有堅必拔成杭海之烈
譬如太阿百鍊不折無媿臣節

耶律文正王楚材

惟楚有材晉實用之達人先知曰千里駒堂堂

牙身源才亥集
中書執政之樞相我太宗拓開鴻基拱立龍庭
上陳帝謨三靈協和萬象昭蘇舒吾陽和脫彼
翦屠人文褰開民獻爭趨於變時雍上登黃虞
厥功何如請視鼎彝

楊忠肅公惟中

西域小邦以險自嬰帝命楊公往宣威靈雷霆
震驚風雲流行孰敢不來庭秉鉞而南椎結卉
裳懼不能兵恒山藥牙盤據大明公伏節而呼
巢穴用傾鼎湖遺弓乾綱解結公以兩手上扶
日月不歆不旻小大畢達海外有帝業

汪義武王世顯

金運之熄毫社已屋誰柵石門巡陴慟哭時維
汪王義不負國國亡三秋將焉冥力神元龍興
六合有赫遂乘剛風來朝帝側出其所蘊以效
勞績乃截嘉陵乃踐大安乃擒勁帥撤蜀之藩
王之出矣提戟而前氣吞三軍王之旋矣雅歌
投壺右琴左尊旣武且文懿哉元勳

張獻武王弘範

真人開天時乘六龍麾斥八極羣雄雲從劍氣
上衝日星晦蒙宋人不恭假息海邦帝命張王
汝師汝將汝拔樊襄汝渡大江汝揭義旗以受
其降王既受命橫槊上馬驚擊隼翔有夫甚武
直奮大刀衆莫敢當王迎刺之應手斷肱軍氣
益揚大聲震天敵有手若亡遂籍其土疆遺燭
未息厥勢猶彊帝壯王之威復命征征叶音張寶
劍名甲錫自尚方一麾而殞海波鏡平叶皮良反崖
山蒼蒼武功洸洸

劉文正公秉忠

賢者在世視時拙信掛瓢武安絕世離羣翻然
而起拏風躍雲乃壘乃城乃闕乃庭乃建灤京
灤京之封龍岡鬱冲王氣所鍾伊劉公是庸作
皇邑土中敷文教萬邦叶峇馳車書來同維公之
功

史忠武王天澤

諤諤忠武有力如虎斬將搴旗疾行如飛統諸
侯大兵前無堅城馬不留影士不留行梟李擒

葛氛侵肅清兇驚既鋤殘悖亦寧春生秋殺以
奠邦經以嚴邦刑維忠武有勇大敵不恐惟忠
武有慈服卽弗誅維忠武有節始終弗涅紀功
旂常爲邦之光

廉文正王希憲

天啟景運挺生人豪豹畧龍韜呼吸風濤英英
廉公才雄氣騫力捧潛龍上升九天誕彰皇威
關隴晏然廣廈細氈嘉猷日宣出鎮遼霄強宗
震疊移節荆湖民氣遂蘇連征大猾正氣烈烈
之傷

竇文正公默

有倬竇公閭閻而馴雍雍而惇炳炳而文大衣
垂紳似不能言及摧權姦執將排山綱常之陳
皦若白日照耀天下至今有赫大道旣明旁莠
亦精九箴所及以死爲生其學之醇其志之忠
宜耄矣之嗟發自帝衷

姚文獻公樞

燁燁龍泉神彩內明視之如空其鋒所指無物
不斷其疾如風婉之文獻雄姿英發靡有不同
在前無古在後無今有志卓卓倡道蘇門上沂
泗沂下探關洛施於有政蔚爲王佐務盡忠諤
立經陳紀禮賢黜邪風動四方大開文明輦致
雅樂實自魯邦不殺之諫晝夜諄諄舌不得藏
治定功成渾然無迹莫窺所存左許右竇三人
同心扶乾植坤如帶如礪信誓弗渝永世有聞

許文正公衡

濂洛之學傳自武夷重徽疊照日星昭垂逮我
許公尊聞行知若親樞寒泉之麋張皇幽眇
釐析毫絲如臯陶淑問畢其情辭如后羿注矢
不失其馳旣入閩域遂升堂基橫經胄監衿佩
鏘如祛其人私脯其天彝釋其偏岐挽其九衢
德成財達昭用于時黼黻帝治甄陶泰熙明體
適用公實庶幾無德弗報四海祝尸嗚呼許公
百世之師

吳文正公澄

紫氛蟬聯神物蜿蜒有開必先山川降神自元
而貞篤生哲人慎斯勤斯絕乎等夷於道早知
厲如秋霜煦如春陽何德之昌抱膝而居氣蓋
八區關而弗舒玩心神明操觚弗停興衛聖經
學徒是依毛之有麒甲之有龜鼈其淵冲以消
吝封心熙氣融大明當軒屢聘益尊施教成均
北許南吳先後合符人文之敷

董忠獻公文炳

伊龍虎君實生羣英一吹一噓霜落變更長江

天塹其險莫前公挾二季破浪爭先橫行而捷
喜動帝顏戟手指天焦山萬艘櫛比雲浮公大
呼突陣蛟泣龍愁橫屍蔽江水爲不流淮城雖
築敵氣未警矢石四集貫公臂及脇公拔去之
督戰益力韓彭之勇良平之謀方之於公吾不
知其孰優

郝文忠公徑

瞻彼郝公上師孔顏挺然一氣立天地間銜命
出使仗節弗屈十有六齡有如一日櫬門塹垣

不翅獄庭臣節甚重萬死實輕吐其崛奇見於
直筆奸雄雖亡誅之則力漢有蘇武嚙氊海上
郝公繼之雙壁相望

程文憲公鉅夫

巍巍世祖度越百王義聲神威撫壹宇疆公起
佐之仗義激昂咸韶皇度袞冕憲章乘傳來南
繡衣焜煌王札牛溲藥籠並藏出而醫王小大
畢張口握見賢如渴得漿雖居壘坡不異廟堂
以順爲明以柔居剛式憲且文於燁其光

劉文靖公因

先生之心嶽鎮川澄先生之操玉溫石貞先生
之學窟寐六經岐陽之鳳魯郊之麟和氣襲人
盎然陽春發周孔性情挹其深醇或出或潛與
道周旋九京可作吾爲執鞭

西域軍中獲角端頌

我太祖皇帝之龍興也靈承帝命寵綏四方克
烈旣臣乃蠻攸服遠近諸國徃徃嚮風內附而
東印度遠在西域之陞負固不庭帝乃震怒移

六師以征之師次鐵門關之下厥有神物麋身而馬尾獨角而綠文胸人語曰王師宜早還帝因訪問近臣耶律楚材楚材對曰是獸名角端能日行萬八千里其見則惡殺之象殆天使之告陛下邪帝卽日下詔班師臣濂謹稽諸傳記角端有二焉其狀類貊角在鼻上中作弓今鮮卑及胡休多國尚或有之其一能曉四夷諸聖在上明達方外幽遠之事始奉書而至此則自周秦以來歷千餘年之久絕未之聞而獨于神

元見焉豈非聖德有以動天靈異之物莫不自至也歟漢元狩初武帝行幸雍祠五畤獲獸一角而足有五銑協律都尉李延年及司馬相如之流尚竭其心思播諸樂歌千載之下令人讀之有若親生其時而觀其事者矧今之所獲古所未有使延年相如輩得際今日休明之治則其咏歌聖德於無疆者又未知其何如也臣濂雖不敏其可已於辭乎謹拜手稽首而獻頌曰於赫太祖肇基龍荒手持黃鉞日靖四方颺飛

雲流無敵弗剪孰敢不恭以貽誅爾維彼印度
疏勒之西敢抗六師大命卒迷帝乃震怒爰飭
其旅爾禡爾牙爾桴爾鼓龍旗載揚列星以光
指于西疆白日爲黃乃有神獸麕身馬尾獨角
桓桓人立而語帝詢近臣厥獸何靈近臣有言
角端其名天子好仁奉書而至曷釋戈矛綏以
文治帝曰俞哉我師亟還爾弓則橐爾矢則韃
有聲銅鉦震撼四國垂衣龍庭化行絕域九有
之臣
載呼天地動色神人其愉惟我太祖

祇承上帝帝度其心純一不二惟我太祖乃武
乃神戢暴遏劉綏我下民惟我太祖恪慎天戒
曾不移時戎車返旆神獸之來自天降祥匪天
降祥惟帝之昌孰其媿之古聖有作龍馬出河
神龜浮洛黃支之犀九真之麟何世不有匪德
之因皇靈赫奕覆冒下土魚鱉咸若鳥獸率舞
曷其基之自茲始之茫茫八樞莫敢不來唯德
動天薦茲嘉瑞小臣勒辭永貽世世

天台教宗圓具頌

三千性相百界千如此天台教觀第一義也有能於此悟入融萬法而師一心卽一心而達三諦其近於佛之知見乎比丘法咸示濂圓具圖像於是合掌作禮而說頌曰

我觀妙境不思議三千性相恒宛然心佛衆生本無二不爲迷悟有增減大充法界小塵沙一具此無量法須知一念卽三千三千一念亦如是譬如空懸十寶鏡鏡前然一光明燈一燈偏入一切處一切振歸一燈內光光涉入了不

礙互偏互融無盡藏此境卽空卽假中而亦不落空假中非先非後非異時舉一卽三三卽一事理俱攝無差殊修性齊照亦不別五佛開顯大車譬只此一乘圓具旨若祇觀心不觀具乃以一觀分二家或約三諦作二造有昧圓融秘密義妄真染淨無異觀是非能所亦雙泯徧虛空界盡法身一法外求卽邪道惟此如來正法門有非語言能擬議大海可飲風可捕歷劫讚嘆莫能盡

接下寫句空 以反月有空三頁付此

書

擬荅魏錡絕秦書

晉我嬴秦實長西戎獻公不我鄙夷以伯姬歸
 我穆公穆公不敢忘獻公薨國內不靖羣公子
 出奔穆公懼大國社稷之隕會齊人納惠公于
 晉惠公許以河外列城五東盡虢略南及華山
 內及解梁城言猶在耳乃即背之會晉薦饑來
 乞糶於我諸大夫惡惠公二三其德也欲乘饑
 伐之穆公則曰其君是惡其民何罪於是乎輸

粟于晉自雍及絳相繼不絕未幾秦亦饑穆公
又曰晉君其能恤我民矣乎遣使之晉惠公弗
念穆公之施絕而弗與穆公不得已有韓原之
師相從惠公而西雖然豈敢以至卽改館饋七
牢焉使歸于國及晉再饑穆公又餼之粟惠公
薨懷公遣師軍于廬柳威靈所加孰不畏之我
穆公忘已之弱使公子繫如晉師天誘其衷退
軍于郇文公遂入曲沃朝于武宮呂却畏偪將
焚公宮以圖不軌穆公知之乃潛會文公于王

城誘而殺之文公卽位來逆夫人嬴氏穆公以
晉國大臣未附俾三千人衛之以歸徵我穆公
惠文之能有國未可知也則是我有大勳于晉
豈惟諸侯知之皇天后土實與聞焉文公當不
忘我舊德戮力同心以輔王室子帶之亂天王
出居于鄭使左鄢父來告難亦使簡師父以告
于晉我穆公左執鞭弭右屬橐鞭親帥師屯于
河上以遲文公文公恐我分其績也乃辭我師
而下納王于成周殺太叔于隰城而獨受陽樊

肩 敬缺
未年
如此寫

天下指左左
係勇字

溫原攢茅之田我穆公不敢言文公自是信宣
於諸侯虞夏商周之胤莫不震疊相率而朝于
晉非為秦也文公又以諸侯方睦欲修舊怨于
鄭穆公畏文公之威不能自寧急出師軍汜南
鄭伯恐使燭之武來言曰君嘗為晉君賜矣許
君焦瑕朝濟而夕設版焉君之所知也夫何厭
之有既東封鄭有欲肆其西封若不闕秦將焉
取之穆公聞其言而懼結盟而還文公薨襄公
即位穆公有事于鄭未嘗以一矢犯晉疆場襄

公茂棄我穆公以墨衰即戎敗我于殺殄殲我
卒徒係累我三師我穆公亦不惟晉之怨乃自
悔過誓告於羣臣然猶一敬靈於惠文以事我
襄公襄公不察我之誠又帥宋陳鄭三國之師
取汪及彭衛國中之人怒曰晉不報德則已乃
日事干戈是欲勝薛我也將悉索敝賦以待于
郊亦冀晉人遣一介行李之來修復舊好襄公
唯力是恃又伐我圍邠新城襄公薨穆公亦即
世晉人以國家多難欲立長君使先蔑士會如

秦逆公子雍我康公唯穆公之事是做多帥徒
衛以納之晉人遽食前言而立靈公又敗我于
令狐自時厥後又取我少梁又戰我于河曲康
公薨共公卽位靈公亦悔于厥心欲求成于我
又不明言以侵崇急我共公惡其詭道弗敢與
成靈公薨景公卽位景公不務撫綏秦民又迫
我于輔氏景公薨君嗣厥位寡人謂二三大夫
曰我兩國匪以玉帛相見而以興戎寡人之恥
也盍行成乎君亦降心相從會于令狐而盟于

河之東西口血未乾又使魏錡乞師平魯欲以
伐我且以蔓辭以文致我罪寡人聞之困獸猶
鬪况國乎君旣有意督過矣寡人亦何愛一國
士卒不與君周旋左右乎君若惠顧前好唯令
狐之盟是申是尋亦唯命鋹乃戈矛備乃弓矢
俾兩君相見于野亦唯命寡人敢帥西方之諸
侯俯伏以聽唯執事其進退之

五氣大有寶書

陵梵騫辰五氣大有寶書爲句曲外史陳太虛

作太虛性好道合丹鶴臺澗中聞余嘗究大洞
真諸部書求發其秘予因攬精搴華爲辭五章
托于中黃靈君序以告焉然而語各有微意皆
有寓太虛慎覽之則玄玄之道畢矣序曰

玄元浩劫龍漢開天中黃靈君三景之尊運動
玉樞道合大始神化玄幽莫知其幾據白蜺坐
敷演妙音陵梵騫辰分合五氣五炁鬱勃凝爲
天章九始東炁龍文流玄瑤華洞陽王都迴先
太黃開清二象淵通空清淨靈上炙五衝三微

南炁神文委精堂曜煥戶觀明啟庭八都錄圖
十澤應徵上下蒼冥神駕肅征七華西炁策文
命基象極載御璇房薦釐天元危宮六天上書
寒靈之府日闔以舒五威北炁皇文馭剛孝芒
宸居梵度翕重鬱陰絕密明都皓良泉曲宵臺
燁燁吐陽一元中炁王文養和上無宛黎下爽
龍阿虛皇玄老於此嘯歌神母亭毒萬有乃多
青赤白黑從橫糾鎔黃氣間中八角布耀景靈
散煥潛運動英堪輿停輪日月避舍郁紛紛羅

光偏璇極元陽王匱九靈玄篇大有寶書實垂
玉簡飛玄上惟耀魄寶或靈威仰或赤燦怒
或白招矩或協光紀或含樞組晝夜動行游神
黃寧朱熾下藏冥玄上升凝合妙真洽于太神
與道爲祖周流入津羅明皇真濛翳大神龍變
巴元刼仞之神元康和陽出人七門神風流烟
歸于無明無方無象無景無聲無兆無朕無幽
無明廓落單鬱皇朗流冷大微扈衛紫垣鬯英
可以度世可以延齡可以闕邪可以辟兵藏之

金室龍鬼守扃勿授下士以褻我天經焉

東方延藍渺鬱康彌浮皇洞真青炁九始龍文
太清混微天一芽至神旁魄飛九遐靈腹上浮
三素遮神霄赤明生玉葩陽林褰開洞真過紫
充藏胞暈幽霞帝真導胞上軌和翠玄交象胚
華輪化無方正不表生生不卹年刼多

南方帝溲禪育郁羅乾那洞神赤炁三微神文
太明開景標朱陵大化垓北物以神星馬在皂
鶉吻伸絳泉上捲華池津梵英公子司炎垠華

闕陽堂風火輪自然玄照符明真繁想刊落曜
中根遙翰輕迅上天闈赤混寶溼資精元

西方顛凝飛玄雍觀龍炎洞精白炁七華策文
太素皇梵楊金晶白藏御序肅五兵空洞浮寥
玄極并散華潛收哺飛明紫陽瓊蕤割辰衡旋
關起爽歸元嬰嘉穉還結真一庭泰玄左右棲
八靈昏昏默默中有精須延勿使寔鬼偵

北方爽朗兜術大演瀟圖洞明黑炁五威皇文
太冥浩阿君四濛清泠使者都大宮王靈玄罔

四日彤纏以長它澁欲封寒庭幽閨壓羅艷雙
館陰閉關元通騫爽廻翳神自雄浮游反命蘊
冲容離羅來居百霧從出入三際應無窮

中央阿奕流華曜駕廻歛洞靈黃炁一元王文
黃房淵玄圍中規懸空特立無東西虛元煥落
含浮黎中尙束紐北極齊神輝旁射嬰素蜺太
乙流珠混若鸞黃寧練胎元命稽陰陽大分和
天倪鬼戶闢人日嘯啼至士聞道當勿迷

先景漢才考集

三



書名			
版別	冊數	紙	
定價	49-		
編號	中第	00010	

北京市中國書店定價簽

書